



敬補野乘一集卷八

梁溪鄒 濟流綺甫纂

黨忠節傳

公諱還醇字子真號

陝西三原人也父萬倉產

近中人輕財好施折券不責報以孝友篤行稱公生

而奇偉豐頤廣額具大人相少文多質務依於醇厚

成天啟乙丑進士初令休寧有惠政未踰年丁艱歸

已已服闋補良鄉吏事益精所興除平反無筭尤留

心於干蠆往往輟食而嘆抱杞婆之憂十二月北兵



薄城公厲兵堅守。或告公以盍避。公曰：吾一腔熱血，欲灑此地久矣。力竭援絕，遂死之。兵退老稚，覓得其屍於橫草中，身被數創，赤身面縛，氣勃勃如生。方公之赴選也，偕門生數輩送座師侯公恪出都門。侯公下車執手而祝之曰：但願諸君子爲好人，不願諸君子爲好官。一時嘆服稱善。而公尤於別後，諷誦不輟。以當芻絃未幾，卽以死節聞。云事上贈公太僕寺卿，謚忠節。蔭一子入監。是時又有保定推官李獻明奉命查劄密軍餉，抵遵化。兵至，或勸獻明以避。

非本屬，惡返無罪。獻明叱曰：莫非于土安有舍此他適者？城陷卒死，詔贈光祿少卿。又有保定餉司何天球、永平知府張鳳奇、推官羅成功、灤州知州楊燦、香河知縣任光裕、遵化知縣徐澤良、鄉典史史之諫、教諭安上、達訓導李廷表、驛丞楊其禮、三屯總兵朱國彥，俱先後死。論曰：巳巳之役，兵所向有兵未至而城先空者，良鄉、灤州、香河、固安、張灣也。有城先空而兵不入者，霸州、三屯也。有先降數日而兵始至者，玉田、遷安也。有

兵將先降而守臣不知者。遵化永平也。有虛張聲勢而兵不犯者。昌平涿州也。有受降旗兵過而不取者。順義也。有兵留而不攻。迹在若守若順之間者。房山也。有兵至而順。兵去而守。以援兵至而免者。樂亭撫寧也。總由人心不固。至此向使各城盡如寶坻令史應聘之。上下一心。永清令王象雲之。有備無患。昌黎令左應選之。男婦皆兵。開平舉人之請兵捐餉。何至一朝同歸於盡。內如固安令劉仲守而不能守。所欠一死。良卿香河遵化三令。永平守及推官灤州守。

與夫三屯總鎮各官之死。皆不媿其官。而保定司理李公一死尤烈。永平道鄭國昌之死。與巡撫王元雅等失地喪師。不可語於殉難之列。其最者則盧龍遷安兩令。餘若薊州通州三河豐潤官。雖能守亦將士得力居多。不盡官之力矣。時巡方董邃初先生見灤縣斗大空城。而縣令沈域舉動安詳。問曰。情景若此。該縣何恃而不恐。沈從容拱手曰。以身殉之。先生為收容以謝。卒幸免焉。夫以身殉之。固有民社者分所當然而今多不講此四字何也。

宋侍郎傳

卅張瑤

公名玫字文玉號九青山東萊陽人也父繼登官憲副
敷歷中外以廉能稱公生而穎異初卽吐辭奇奧或
告以鴻文無範是爲恣公不屑曰老生行墨何能爲
嘗語人曰習聖人之書而不明聖人之文罪之上也
居聖人之地而復不明聖人之文服聖人之行罪且
什伯焉登天啟乙丑進士初令栢城尋調杞縣以治行
高等與開封司理張公瑤爭考選得吏科給事中居恒
每語同志謂國際多艱聖人在上未明求衣

吾輩讀聖賢書所學何事使徒緘嘿取容循資顯擢其何以報稱天子卽天子亦何貴乎取此纍纍若若者夫妄言非所以爲言不言非所以爲官也抗章正色疏凡數上而尤留意時事嘗疏論鄉兵謂當覓爲兵之人備作兵之具講行兵之法謀養兵之道啻頓兵之地又疏論用人謂皇上求治之心愈急則浮薄喜事之人愈易飾詭而釣竒皇上破格之意愈殷則巧言孔壬之徒愈易乘機而鬪捷又疏論禦寇謂勦寇一事地方與行間分任之地方官主守行間主戰

行間不能戰而徒責有司以守卽張巡許遠無救睢陽之亡况今之庸碌乎自今止宜責有司以守實以愛養爲主如招流移活飢民者是而修練儲備奏報猶屬空文責將帥以戰寔以戡定爲主如減某股救某城者是而觀望遲回按信總難辭罪時論服其允當旋丁艱歸服闋補職丙子偕吳公偉業至湖廣試得人爲盛如萬日吉周壽朋黃正色黃文旦皆一時妙選楚風由此丕振尋進刑科都給事遷太常卿太常固閒曹簡文書希應對同官率傳舍視之公受任

不踰月而禮器不庀責之有司樂工缺員責之太祝
大祀時祭崇牙改觀皆公力也巳由大理卿晉至少
司空壬午枚卜會推公與蔣公德璟黃公景昉吳公
牲房公可壯張公三謨尋以名對不稱旨又爲蜚語
所中上疑比私植党下公與房張于獄革職歸亡何
北兵入東省雲擾或告公以亟宜避公曰身爲大臣
世受國恩縱無守土責寧有先去以爲民望者遂與
同宗吏部應亨輩經畫守禦不遺餘力兵始至頗爲
挫衄及力不支城陷縛公與應亨相對栲榜體無完

膚公始終不屈遂見殺張瑤山東人進士推官開封
府會登兵變城破被執瑤揮石相擊遂遇害其妻及
子四人俱投井死是年又有大名副使朱廷煥山東
人進士闖將劉宗敏傳牌至廷煥髮指擊碎之與紳
士分守各門尋賊至圍攻被執不屈賊縛拖行殺之
又有壽光知縣李耿順天人進士亦以城破殺死
論曰丑辰間稱詞壇雄長者推三宋蓋公與兄宗玉
叔澄嵐也宗玉長於公後公成進士始登中秘遠赴
修文澄嵐先生老困公車二十年從鋒鏑中幸以身

免公早貴任清要列卿秩名位顯赫視二公爲特優然竟用蒙難死予角去齒造物者固多缺陷乎然而捐生殉節垂芳千古則天之厚公又獨至矣

鄧忠毅傳

公名謙字少于湖廣孝感人也幼卽自負慕于忠肅公爲人每誦其集至一腔熱血不知竟洒何地等語輒斫几狂叫因自號以見其志崇禎戊辰成進士居恒每語同志謂大丈夫當僇力王事靖節邊疆卽輿餽而歸猶愈于死兒女子手其期許卓犖如此初授大理寺評事擢兵科給事中改兵部員外郎丙子清兵薄京公捍禦有殊績未幾出爲山東叅政督理糧儲下車卽捐常例釐宿弊六郡咸樂飛輓撫按壯公

材略並以兵政屬公公以書上當事願假戎行一勅
不愔馬革裹尸十一年冬濟南再困公聞變泣血援
枹登陴露立凡十晝夜矢盡石窮出奇無方俄而登
兵千餘入援者爲內應忽大風晝晦城陷公手架大
砲執勁弓斬射多人既力不支被執磔死母黃氏匿
民間聞難歎息謂兒幸得死所吾復何憾卒亦不食
死兩子俱穉爲擒去逾年其仲子自北逃歸甫十歲
輿公視旋里僉謂天之不沒忠臣祀云事聞贈公中
憲大夫謚忠毅督學高世泰徽祀入鄉賢祠同時又

有李應薦恩縣人進士授御史以欽案削職歸捐貲
募勇登陴守禦比城陷應薦身中一鎗猶率家丁格
鬪及被執厲聲大罵斫二刀斷一指而死劉化光歷
城人與子漢儀俱孝廉破家守城率鄉兵巷鬪格殺
無數尋以大隊環攻箭如飛蝗化光弗卻及城破化
光頭砍三刀腰中二鎗背中數箭漢儀亦頭砍三刀
身中七箭死之
論曰世苟免士大都皆僥利機巧鄧憲副與劉孝廉
平日風裁卓犖一旦有急烈烈以死允稱始終一節

者矣。若李御史世咸以案中人訾之。然則不列案中者。果盡死國難耶。死矣。又何論案中。與非案中人也。

宋稽勲傳

公諱應亨。字長元。山東萊陽人也。讀書恢奇。志在先天。秦以上才力駿出。足以追赴其所嗜。為古今文辭摹。山海汲冢石鼓峒嶠諸篇。卽尚書古文奇字。猶以為。近今拘攣。費用中天。啟乙丑進士。初令清豐。不三月。而民歌。甫及期。而邦之人大靖。擢禮部主客司主事。遷吏部。歷驗封考功。稽勲文選四署。尋轉勲郎。清軌。絕塵。門庭如水。以進賢。退不肖。為已任。甲戌解任。歸。踰六年。而長公成進士。謁選得杭州理刑。公教之日。

母東濕母草菅母長莠長公佩之以泮武林政稱第一會清兵歲入長公請公至署公弗許曰若爲刑官我保障鄉井無相越也崇禎十五年閏十一月臨清旣破公率士民守萊陽城四隅北面單弱捐千金建甕城洩旬而畢東兵至公獨當一面懸賞購死士夜劫營兵拔圍去十六年二月初五日大衆揜至避壯城不攻次日辰時由城東北緣雲梯上公平巾箭衣驅家僮巷戰家人勸令易帽不可戰良久家僮死者三十餘人公項中一刀被執不屈以死後太史王

崇簡弔之以詩云拜手松楸酒一杯傷心灑泣踏蒼苔寒林風起山光動衰壑雲移海氣來泉路幾年空夙恨人間此日有餘哀高踪已自成千古影凄凄照草萊聞者傷之公死後詔贈太僕寺少卿長公名璜字玉仲登庚辰榜次名琬字玉叔申丁亥進士俱以文章聲氣名琬尤善詩遠追開元大曆歷仕陝西浙江副使多善政海內稱循良弁冕云論曰先生死洵足重哉職非闖外義奮師中先生自以王臣隨地當歿不欲聞變苟免名義倫常守之如

握固然下視世人。首將狐貉。噉盡也。嗚呼。是可以風三事大夫矣。

盧忠烈傳

附僕顧顯

公諱象昇。字建斗。號九台。直隸宜興人也。少讀史。至睢陽武穆。輒起舞。瞑目作疾視態。嘆曰。吾生得為斯人。足矣。登天啟壬戌進士。授戶部主事。差清源。舉卓異。陞大名知府。遷山東副使。崇禎己巳。北兵薄京城。公拔劍斫案。募鄉勇。兼程進兵。退名還。遷天雄。兵備寇興。公馳行郡內。嚴檄州縣。繕城治具。率眾往。遇賊數萬。公弗却。中一矢。額傷。又一矢。僕夫斃。馬下。公提刀戰。益疾。賊乘高臨。後兵至。乃免。賊分黨趨城下。潛

發兵攻滑。公知賊計，戒守城，士勿動。選騎出前伏草，莽賊至，卒發，大敗之。斬級數千。賊相戒曰：「此盧閻王，遇卽死，不可犯。」公以是有能兵名。賊懼，南渡河，河以南所至殘燹。七年，賊破鄆，命公撫鄆。鄆大治。明年，命公撫楚。賊又懼，流河南。晉公兵部侍郎總督七省時，滁州馳檄告急，疾走援，奮擊賊，大敗。公會諸將曰：「兵貴神速，今賊氣已衰，失此不擊，長患安窮。」起兵乘其後，又大敗賊。遁，承襄公獨以數百騎入陣中，爲賊困。二日，賊不敢犯。公與諸將約曰：「食盡，道窮，留此死。」擊不勝，亦死。吾當力衝之，乃率騎往，擊殺萬人，斷食道。越三日，投戈請降。九年，總督宣大會邊報，警公隨繕疏，謂撫西不撫東，許市不許賞。疏上，與樞部楊嗣昌不合。先是，嗣昌以墨衰辦務，廷議藉藉。至是，直欲御紅袍治政府。少詹黃公道周廷誣，遭遠謫。公馳書諷之，以變禮易制，誠非細事，但使相業特甚，無愧。救時亦或一道。嗣昌荅曰：「某決不讓南陽李也。」公笑荅之。日羅倫復官，應在何日。蓋指道周云。十一年，丁外艱，乞奔喪。疏上，乃允。仍令席喪候代。會北兵復入，公

麻衣草履奉詔督師入朝。陛見上叩方畧。公奏曰。命
臣督師。臣意主戰。上變色。久乃懌曰。朝廷原未言撫。
所爲撫。乃外廷之議。公曰。敵之所患。着着宜防。逼陵
寢以震人心。一可慮。趙神京以撼根本。二可慮。分出
畿南。剽發旁郡。扼我糧道。三可慮。厚集我兵。備之則
寡。發而多失。分兵以四應。則散出而無功。兵少則不
備。食少則生亂。此禦之難也。上壯之。命出與嗣昌
議。公一主戰。嗣昌消沮。齷齷不能語。徒戒勿浪戰。公
起別還。昌平令諸大帥各選勁。約於十月十五日夜。
分四路。十面襲劫敵營。刀必見血。人必帶傷。馬必喘
汗。違者斬。觀軍使遺書泥之。謂聞雪夜下蔡州。未聞
以月夜且奇。師尤宜。用寡種種阻撓。公疏請分兵。嗣
昌撥宣雲晉三鎮屬公。號稱二萬。以短兵氣。公務忠
勇。刻期戰。誓師鞏華。淋漓慷慨。涕泣如雨。嗣昌不能
平。思阻之。擬票令赴通。就總監高起潛。公不赴。嗣昌
遂疏云。敵南下。督應趙通。就監敵未下。監應趙京。就
督公。嘆曰。樞部不過欲總監撓我師期耳。恚甚。會嗣
昌赴軍中。公厲聲責數。沮師養患罪。謂公等堅意言

撫獨不聞城下之盟。春秋恥之乎。且某叨劍印長安。口舌如風。倘唯唯從議。表崇煥之禍。立至。縱不畏禍。寧不念衰衣引紼之身。既不能移孝作忠。奮身報國。將忠孝胥失。盡喪本來。何顏面立人世乎。嗣昌色戰。奮言曰。公直以尚方劍加我頸耶。公曰。尚方劍須從已頸下過。如不殲敵。未易加人。若舍戰言撫。養禍辱身。非某所能知也。嗣昌遁。言從來無撫說。公曰。周元忠赴北講撫。經數日往來。始事於薊門。督監受成於樞部。京營通國共聞。將復誰諱。周元忠者。賣卜雙瞽人也。與遠人熟識。故遣之北。兵云。此事重大。何無專官遣廢疾來。直玩侮耳。欲斬元忠。乞哀乃止。當是時。公鑄尚書級。兵氣盛。旬日間克復州邑。甚衆。樞部忌功。輒從中沮。翰林編修楊公廷麟奏曰。南仲在內。李綱無功。潛善秉成宗澤。賈恨國有若人。非封疆福疏。上請軍前贖畫。公謂廷麟曰。敵勢盛。廣兵趣之。不走。陵卽走京。我兵寡。食乏。不戰。敵益輕我。戰卽生他端。公爲我往真定。與撫按乞糧。我且悉兵乘死以報國矣。公統騎五千。上下千里。三軍乏食。空腹而馳。公哀

懇疾呼○莫之救○晨出帳○四而拜○曰○吾與爾將士○共受○
朝廷恩○患不得死○勿患不得生○衆皆泣○不忍仰視於○
是○拔寨起○兼程至賈莊屯營○率五千人擊北兵○射一○
騎○北兵合圍進呼軍疾馳奔衝入北兵退○公諭將士○
曰○今雖勝○彼必憤集諸騎乘吾爾○毋怠○越明日北兵○
率衆衝我營○公顧左右曰○誰爲我取彼者○總兵虎大○
威○馳卒摧之○不勝且却○公大呼曰○虎將軍○今吾輩效○
命○秋無自愛○乃招後騎○皆往○公奮刀入擊○殺十餘人○
身中二矢○二刃呼不已○日闕羽斷頭○馬援鬣韋在此○

時矣○馬蹶陣亾○時戊寅十二月十二日○從死者爲僕○
顧顯○掌牧揚陸凱○公兩官畿南惠施三郡生之日家○
設一壇○歲時瞻禮○歿合謀叩闕除地爲祠○歲時伏臘○
奉戶不分少長男女○皆爲流涕○甚有痛其亡○發狂疾○
歿者公死踰四年○詔贈戶部尚書諡忠烈○予祭葬○賜○
廕○恩禮有加云○
論曰○世之哀盧公者○徒以一死耳○夫死非公所難也○
當是時○奸樞○愍璫○群謀下石○而綿竹又左右之○使公○
少退縮○卽不死○疆場○能不死○西市乎○獨以公胆智英○

決○兵○氣○方○張○使○得○上○下○一○心○將○相○合○體○宣○王○六○月○之○
師○豈○能○獨○有○千○古○哉○功○果○告○成○奸○樞○慙○璫○且○當○緣○公○
受○上○賞○然○而○不○殺○公○不○已○者○以○爲○寧○公○死○而○已○無○功○
不○願○公○生○而○國○受○福○也○小○人○之○讒○賊○欺○君○蓋○出○於○天○
性○公○直○不○幸○而○與○遇○耳○公○死○平○臺○豈○死○賈○庄○哉○

鹿忠節傳

公諱善繼字伯順號乾嶽北直定興人也祖久徵登
萬曆庚辰榜與先王父斗墟公同籍並以清白自矢
後任御史直言厲行蔚爲名臣父正以貴公子少爲
諸生縣令宋繼登欲與相見正方糞田投畚鍤而往
縣令歎息公端方謹恪歸如斷山少以祖父爲師丙
午舉於鄉癸丑成進士與吳郡周公順昌吳橋范公
景文襍被蕭寺鷄鳴風雨以節義相期勉選戶部山
東司主事職鹽法爬搔利病洞悉源委丁內艱補原

職以河南司署廣東司事遼左方闕餉請帑疏皆不
報會廣東解金花銀至公奏記大司農李公汝華曰
金花恭進大內此近例也頃督部有扣留之議此豈
仍進大內則部議終成畫餅欲徑解太倉則愈旨艱
如拔山莫若題留爲便請一面題知一面劄納銀庫
轉發遼左權自外撥庶不至如帑金之絀勝不可問
司農如公議上請神宗怒奪公俸一年勒令補還
司農不敢違公力持不可謝恩日中官闔門扇不聽
公出勒問太倉云何管太倉主事劉榮副曰發三
矣然實未發也中官傳嚴旨促令補還公曰有銀安
用借無銀又安從補中官愕眙不敢應公曰但執善
繼語回奏死生有命不敢易隻字也中官歎息而去
無何司農奪俸二月公降一級調外任舉朝交章請
留不報公遂告歸光廟御極首復公官典新餉改
兵部職方司主事是時遼陽初失中外洶洶公受事
誓天淚流浹面社絕請託申明法紀歲壬戌孫公承
宗以閣臣理兵部事公從孫公閱關歸遂委心焉孫
公自請督師公請從吏部司官缺太宰堅以屬公公

不可曰相公一日在師中一日在幕中鹿善繼鬚
眉如戟肯回頭作吏部郎乎孫公當關四年實倚公
爲左右手及孫公解兵柄公亦移疾乞歸周旋戎馬
未嘗以邊吏邀一階半級以久次轉員外陞武選司
郎中家居四年杜門却掃至邑有利弊則必爲民侃
侃請命教宗卽家起公爲尚寶司卿陞太常寺少
卿管光祿寺寺丞事公再起物望崇重精勤吏事夙
夜在公一如爲郎吏時未三載復請告歸崇禎九年
七月北兵破定興公方移疾村居公念定興當添南
保北背障神京遂辭丘墓令子化麟侍父於鄉援兵
登陴七日城破公守南門兵從西北闖上挾刃索公
衣公不可兵怒斫公三刀復射一矢而死明年正月
子化麟伏闕上書言臣父以無備之城必破之邑獨
堅誓死之心衡拒方張之敵不獨城存與存効勿去
之義抑欲人戰家守折南下之謀疏上下部部覆得
旨贈公大理寺卿廕一子入監讀書專祠賜謚予祭
造墳恤終之典無不備蓋異數也是冬化麟亦以苦
次哀痛死公死時年六十有二甲申謚公忠節賜祠

額曰忠烈

論曰公經濟才也居戶部職方侃侃樹立使公得志
韓稚圭范希文流也豈僅以節義見哉區區定興之
守蓋幾捧一簣以塞潰川挽杯水以澆烈燄欲不俱
盡得乎白山未勒碧血不變嗚呼痛哉

張忠烈傳

公諱銓字見平山西沁水人也父五典萬曆乙未進
士爲時名卿公生十月母挾之而臥土坑火驟發母
蟠焉公獨不死弱冠受知魏介肅公允貞丁酉舉於
鄉甲辰成進士授保定府推官以平恕稱徵入爲浙
江道御史每有論建務持大體嶽嶽無所依傍巡視
茶馬以憂歸服闋起按江右下車問民疾苦延見藩
臬諸大寮諮以吏治失得及部中豪不法政事所宜
廢舉興廉屏墨威暴澤枯孳孳若弗逮時遼事潰壞

撫順失守公條陳上方略謂宜鎮靜徐相機宜不宜
妄動速圖僥倖且叅楊鎬非禦侮之才薦熊廷弼有
干城之略厥後果如公言人服其有先見虞申邊報
日亟廷議按遼之任非才識練達如公者不可時臺
資已十年矣例不當巡方卽巡方可無履危地而同
臺固遜公公遂攬轡而東問經略袁公應泰方受降
公聞而投袂曰禍遼矣力爭不得經略以罪祭配降
夸公禁止曰猶是中國子女也何忍令其至此遼人
感而泣下公何何皇請移督撫爲後勦方下
廷議而遼陽失守矣方遼陽之被圍也公與袁公
嬰城守及知事不可爲共欲慷慨赴難袁公曰泰不
才微尚方寵靈固誓以身許按臣無關外責尚可收
拾餘燼爲退守河西計公曰不然吾世受國恩豈有
城破身存之理北帥聞公名遣人來迎共擁公出署
公面不改色責之拜不可令人持公去欲殺之比出
門復呼公回慰以好言公終不屬一將自外入舉刃
將斬公公引領以待歿乃忽手縮因曰送汝歸何如
公謂歸亦何顏速死爲幸帥知不能奪以輿送之不

就○以○馬○送○之○亦○不○就○乃○令○二○人○強○扶○上○馬○送○還○署○至
署○門○向○北○闕○拜○者○五○曰○臣○不○能○報○皇○上○呼○父○母○而
拜○者○四○曰○兒○不○能○報○劬○勞○慷○慨○激○烈○乃○自○死○之○諸○兵
驚○走○相○視○曰○忠○臣○忠○臣○爲○棺○而○瘞○之○公○形○貌○魁○杰○豐
頤○廣○頰○頰○頰○而○髯○望○之○知○爲○偉○人○先○是○保○定○有○兩○是
亭○以○祠○楊○中○丞○繼○宗○許○忠○節○述○公○理○郡○夢○入○此○亭○兩
公○向○公○而○揖○曰○方○虛○席○以○待○殆○先○徵○云○事○聞○詔○贈○大
理○寺○卿○再○贈○兵○部○尚○書○謚○忠○烈○予○祭○葬○廕○一○子○建○
名○曰○昭○忠○父○五○典○時○方○爲○大○理○卿○驟○擢○至○兵○部○尚○書
蓋○特○恩○云

論○曰○公○始○按○江○右○李○仲○達○先○生○時○司○理○南○康○驩○相○得
也○嘗○言○張○公○男○子○美○鬚○髯○好○議○論○喜○讀○書○嘗○著○春○秋
補○傳○一○部○世○多○惜○其○書○不○傳○公○之○凜○然○忠○義○足○以○動
天○地○泣○鬼○神○是○卽○公○之○齊○太○史○簡○晉○董○狐○筆○矣○孰○謂
此○書○不○煌○煌○金○石○哉

高忠節傳

附僕高永

公諱邦佐字以道山西襄陵人也自幼岐嶷有巨八志事親以孝聞萬曆甲午舉于鄉乙未成進士授壽光令招撫流移開墾荒土爲東魯循良第一庚子擢戶部主事再轉正郎定兌期寬納戶積羨米萬石省內府金錢數千丙午出守永平時稅璫高准橫甚獨畏公嚴明歛手不敢肆出沉寃麻沾春于獄濬灤河築長堤設險增隘簡重兵護山海關屹然保庚戌以副使備兵天津命甫下卽檄十八屬禁止一切饋遺

故終公之任。苞苴竿牘。未嘗一及於庭。稅璫馬堂。叱
哮多虎翼。聞公處高淮。故事私懦懦。公至卽誅縛其
叅隨宋瑗等。羽翼旣剪。民賴以帖席。癸丑陞陝西叅
政。督兵神木。神木爲榆林要害。西酋沙計素跳梁。難
馭。公慎固封守。督率精銳。沙計爲退舍。避。又捕勦套
酋數十級。諸部落嚙指相戒。不敢犯故事。兵馬餘糧。
悉充道臣公費。公詫曰。此孰非地方膏血耶。藉記入
正餉。誓不稍沾餘潤。甲寅丁艱歸。服闋以原秩備。兼
薊州。春秋較閱。修車馬。戰具。其設諸關隘。津梁。俱親
履其地。相度形勢。曲爲捍禦計。更清驛遞。汰冗濫。
佐軍興。尋乞養歸。會遼事孔棘。聞將喪師。公家居。
之髮上指冠。適江都陳公輔堯以督。考。歿。遼。潘。之。難。
公歛。歔不已。且歎曰。馬伏波之據鞍。祖士雅之擊楫。
今遂無人乎。尋奉命以叅政兼僉事。分巡東寧。遂仗
劔出。以歿自誓。但挈數蒼頭。自隨。并囑家人勿寄書。
以亂人意。入廣寧。宵旦籌畫。顧經撫不和。西酋內訌。
勢且莫支。公不得已。具文請告。已得俞檄。而五月二
十日。北兵渡三岔河矣。時鼓聲震地。廣寧軍民經撫。

營○弁○望○風○爭○遁○人○皆○勸○公○西○走○且○謂○請○告○之○身○可○以○
卸○罪○自○免○公○獨○語○從○者○吾○一○日○在○事○則○一○日○臣○子○也○
若○偷○生○瓦○全○何○面○目○見○天○下○士○時○母○楊○太○淑○人○年○已○
八○十○餘○公○二○十○一○日○夜○燒○燭○條○書○與○太○淑○人○訣○以○匹○
馬○二○僕○走○松○山○乞○援○於○經○畧○熊○廷○弼○請○移○鎮○廣○寧○不○
得○又○講○發○兵○自○將○以○捍○廣○寧○亦○不○得○公○知○必○不○可○爲○
乃○親○揮○硃○批○令○家○童○持○信○入○關○其○略○曰○本○道○奉○命○分○
巡○廣○寧○家○有○九○旬○之○母○絕○裾○出○山○抵○任○以○來○胼○胝○劬○
勩○飲○食○俱○廢○意○圖○肅○清○迅○掃○仰○報○君○父○不○意○天○不○厭○

亂○三○岔○失○守○惟○有○一○死○以○殉○計○疆○耳○除○西○向○叩○關○
向○拜○母○自○經○公○署○以○明○臣○節○外○所○有○隨○任○家○童○二○名○
遣○還○原○籍○報○信○誠○恐○甲○馬○紛○馳○之○會○關○津○阻○滯○合○給○
印○批○遂○于○二○十○四○日○夜○呼○僕○高○永○高○厚○語○曰○我○受○國○
恩○誓○以○死○報○若○等○好○收○吾○骨○歸○見○老○母○各○自○逃○生○無○
相○累○也○袖○出○遺○囑○付○之○遂○沐○浴○冠○帶○以○印○綬○自○縊○而○
絕○永○謂○厚○曰○吾○不○忍○主○人○獨○逝○無○給○使○令○于○地○下○者○
亦○闔○戶○從○死○時○北○兵○且○迫○經○畧○命○舉○火○并○二○屍○及○公○
署○焚○之○厚○時○年○僅○十○九○請○給○馬○票○不○得○有○武○弁○盧○科○

者○義○人○也○感○公○德○棄○家○護○厚○徒○步○入○關○抵○里○乃○還○事
聞○贈○大○理○寺○卿○謚○忠○節○賜○祭○葬○建○祠○廕○一○子○錦○衣○世
襲○公○俊○偉○磊○落○仁○心○爲○質○性○至○孝○友○愛○兄○弟○三○黨○親
戚○多○藉○以○舉○火○嘗○置○義○田○三○百○畝○以○周○窮○乏○有○姊○年
髦○迎○養○之○如○母○居○鄉○絕○口○戶○外○屏○跡○公○庭○有○以○千○金
托○若○閭○者○公○叱○却○之○至○談○說○利○害○侃○侃○無○所○顧○忌○敷
歷○中○外○清○軌○絕○塵○未○嘗○入○地○方○尺○絲○寸○縑○方○公○之○殉
難○也○諸○子○尚○穉○後○三○十○年○而○四○子○曦○中○乙○未○進○士○六
子○暉○中○戊○戌○進○士○皆○負○文○望○敦○氣○誼○賢○者○之○後○必○昌
信○不○誣○也○建○祠○祀○公○者○襄○陽○江○都○維○揚○書○院○而○都○中
有○山○右○三○忠○祠○則○以○祀○公○與○張○公○銓○何○公○廷○魁○云
論○曰○遼○陽○之○陷○經○畧○按○臣○道○臣○歿○者○纍○纍○及○廣○寧○破
而○公○外○何○沒○沒○也○當○士○氣○三○鼓○旣○竭○之○餘○獨○屹○然○爲
中○流○砥○柱○公○歿○蓋○尤○重○哉○若○以○投○屍○烈○焰○爲○公○恨○則
大○不○然○曹○蜎○李○志○生○而○若○歿○雉○經○溝○瀆○死○而○徒○死○乘
箕○化○碧○死○而○不○死○公○之○神○蓋○無○不○在○矣○何○必○牛○眠○馬
羶○若○封○若○堂○之○爲○表○樹○耶○

袁經略傳

附姚居秀等

公諱應泰字大來陝西鳳翔人也登萬曆乙未進士授臨漳令築長堤四十餘里以禦漳水調繁河內穿太行山爲洞引沁水過之屈折成二十五堰計畝分流灌田數萬頃旁邑皆賴之河決朱旺操畚築者百萬人宵集水次死者相望公築小城蔽薜爲廬飲食作止有度民懽忻趨事治行冠兩河大瑄田義鄉人也啖以美官公不應僅得量移虞部主政董南旺河工晉郎中主中河艱歸起改兵部武選問遣冒濫官

數百員。擢淮徐兵備叅議。齊大饑。流民入淮。徐公與州守程宇鹿圖之。設粥廠。每廠設數鋪。民得食且得居。遂爲樂郊。又謂僱工興作。抹荒一法也。崇墉浚塹。輝飾文廟。彭城事事改觀。而全活亡算。更爲朝廷廣德。搜額外稅銀萬六千金。漕折馬價六萬金。後先發賑。大司農不諳古發倉事。以擅動叅之。而公遂移疾歸。時已晉憲副矣。旋起河南叅政。晉按察使。備兵永平。會邊報警。關外諸夸乘而肆挾。公至則募兵訓練。修闕墻。備臺櫓。關外需芻糗火藥。隨呼而給。熊公廷弼在遼陽。頗賴焉。熊公行舉。以自代。朝議從之。旣受事。刑白馬誓於神。言宦遼卽以身委遼。病醫於斯。死。葬於斯。棄遼去者。明神殛之。熊公守遼陽。部署嚴整。公至。微有改張。而收降一事。殊不厭人心。公謂西夸以食盡投東。東輒撫爲銳師。姑收之以壯我。而孤敵計良便。迨瀋陽破。監軍欲誅降夸。就縛矣。公驗其背。負重創。慰遣之。而罵縛者。旣與死難。諸臣積相左。而它苟活者。無所諉。臯競曰。遼不自亡。降夸亾之云。城陷。望闕拜疏曰。臣至遼。見人心不固。不可以守。是以

有死遼○葬遼之誓○今果陷○臣力竭而死○望 皇上收
拾人心○爲恢復計○寄書報父曰○男不孝不能長侍老
父○罪也○然盟心已久○今以城陷死矣○願老父自願養
以終天年○遂佩劔印自縊○內侄姚若秀從之○僕唐世
明○憑尸大慟○縱火焚樓而死○後贈公爲兵部尚書○予
祭○奠○廕一子入監○
論曰○袁公本循吏才也○卽置之邊徼○亦當屬以轉輸
供億之計○廼使之櫻危城○衝勅敵○豈其任其○至其義
風發發○臨難不苟○則宛支所云委質而策死○者與○

何忠愍傳

附妾高氏金氏

公諱廷魁○字汝謙○山西大同人也○生而秀整○慧絕羣
兒○稍長嗜書○以博學宏詞稱○庚子魁鄉薦○瓶無儲粟
有以居間請者○麾去之○辛丑成進士○授南直涇縣令○
發奸摘伏○老吏不如就琴溪架石梁爲數世利○以與
邑大紳忤○改令寧晉○義問彌昭○秩滿當遷○攀輪咽路○
去官以後○兩城並思崇俎○錄于桐鄉○豐碑穹於峴首○
百雉之譽○未有加斯者也○召入拜刑部主政○治獄平
允○癸丑擢歸德郡守○郡故囂競難治○有豪右張國安○

借地稅爲名。幾成揭竿。公授意邑令。浹旬就縛。時共推定變才。亡何調衛輝。復調河南。蓋以福藩就封。衛輝實爲孔道。而朱邸建雒陽。中涓侍衛。瓜距新銳。又非賢守。不任彈壓也。歷三郡。著能聲。丙辰擢西寧副使。尋丁艱去。而憾者猶煽蜚語。中考功法。幸得常調。降黎牟守。辛酉以原官兵備遼陽。時遼事將潰。決公素習象緯之學。拜命之日。慷慨自誓。願以身殉。既至。區畫兵事。與袁經略多牴牾。爭納降事。舌敝不可搖。乃贈書家人曰。吾不知死所矣。濟陽陷。同事者筆遺。

其孝公曰。吾不敢爲民望。北兵濟河。請于經略。乘半渡急擊。不聽。及薄城。幸未合。請盡銳悉禦之。又不聽。未幾城陷。從容歸署。西向雲中拜先靈。泣語左右曰。吾負若屬。其自爲地母。我顧也。懷印徐步。自投于井。二妾高氏金氏從之。婢僕六人一時同死。事聞。贈光祿寺卿。再贈大理寺卿。謚忠愍。廕一子。賜祭祀。昭忠祠。論曰。死遼事者。晉三忠祠。謂公與張忠烈高忠節。皆晉人。又同殉壬戌之難者也。忠烈以繡衣使者。不携。

孥故禍止於身。忠節亦止一僕爲殉。若合門入井。家室同盡。蓋公爲尤烈矣。跡公歸德。衛輝河南之政。盤根錯節。迎刃立解。天禍忠良。不竟其用。所喪豈獨在遼左哉。

崔大理傳

公諱儒秀。號傲初。河南陝州人也。生時母夢神人抱持以授。常戲鳩車。便峻整如成人。丁酉魁于鄉。戊戌成進士。筮仕掖縣。掖號繁囂難治。公峻其繩而民服。有豪強不可制。能以威懾。掖城繫土耳其。加畚築焉。爲百世利。立法催科。民無不稱便者。其言曰。官不脂羨。則大戶不重困。民官以羨佐公。則不重困。大戶置倉。日耕餘其法。以秋登實穀。其中歲得數千。遇稔民無殍者。自公蒞掖。數月而譽赫。然人以其爲包尹再出也。

會與邑要人忤辛丑中考功法屏居數年補令絳復
徙令翼嘗格殺大盜考古兵法及行陣器械之屬悉
繪爲圖以時披閱已遷刑曹有翼之臺臣修睚眦者
又以考功法左其官久之令文安公餘并究心奇門
六壬太乙之屬夜則起觀乾象拊膺長嘆欲爲國家
當一面浮沉七年繇戶部陞山東僉事飭開原兵備
而開原亾矣公辭墓而行曰觀天象遼難未弭且經
撫臨之在上進止非司道所得揣唯以身殉耳散家
資募嵩輩徒兒八百人部勒偕行并挾妻孥與俱示

不返顧經臣袁公應泰傾心恃之亾何納降議起
力諫不聽賀帥世賢頗有異圖公諷之質其家于遼
陽北兵攻奉集堡小劔而去閱月領衆攻遼陽公分
守東城堅壁甚矢集如雨不少却項之經臣所拔精
兵先自潰降兵競起亾人于衢城門開經臣自焚有
欲挽公潰圍出者正色拒之慟哭戎服北向再拜手
亾世賢妻子從容步至都司廳事自經死事聞贈公
大理寺卿
論曰古稱循吏烈士兩者難兼崔公累試劇邑觀其

拊摩擊斷蓋黃次公董少平合爲一人者也後乃更以殉節顯無他蘊義風生不畏強禦不侮鰥寡者卽不懼力鋸不懾鼎鑊者耳士以氣爲主信夫

張遊擊傳

公名神武不知何許人天啓元年奉命援遼所從之衆共二百四十餘人甫至山海而瀋陽消息已至督臣見其豪爽自喜甚壯之而易其兵少公獨慷慨請行曰我不殺人必殺我耳遂兼程出關至廣寧而遼陽聲息又至撫臣愛其才欲留之爲後勁公不肯曰職以援遼而來遼陽已陷要援者何用撫臣曰爾衆若干曰二百餘騎撫臣曰是足以救遼陽乎曰不能救然知其不能救而遂罷援要援者何用於是遂

星夜渡河。比至河而我兵之西奔奪船而渡者如山。顏雲擁矣。公急麾諸將曰：有如此之衆而不共圖殺敵將何往乎？諸兵不肯任。于是潰卒十餘萬自西而公二百餘騎自東至首山去遼城十七里。是時公已一日夜不飲食而又心知孤軍深入無復活理遂冒陣直前敵不料此時復有我兵也。至垓心乃覺之。於是會戰良久一軍盡沒而公亦殺傷數十百人。又一日而神武所將二百四十人冉紹登等尚有十四人。迺出然無復有肢體俱全者矣。巡按御史方震孺

爲之具疏請卹

論曰：人當不容不死之時而尚且退後，惟公當可以無死之時而直往向前，有進無退，視死如歸。公之忠勇允矣。至所從二百四十餘人皆明知其必死而終無一人遲回者，卽用橫之客何以加焉。聞巡方方孩未先生畫其像，率諸道將出入禮拜之，嗚呼先生之旌忠吊死，古今豈有二哉。

陳忠烈傳

明 段展等

公名

八室南直揚州人也中萬曆戊子

工古文詞詩歌處鄉黨恂恂謙退每語人曰吾生平
覺無可怒之事無不可處之人亦無不可格之好里
人戴之如父師謁選授知永安縣永安固善地尋為
黠者所攘遂易長寧邑僅六里僻處萬山中俗好訟
多遁賦竄匿岬谷陽為民而陰為盜有司莫能制人
咸為不平公慨然拜命曰孰是羸邑而非朝廷土朝
廷民也且縮銅者必得善地居之意欲何為吾正

盤錯以別利器耳。既蒞任，盡裁冗費，日食脫粟一升。庖無盤肉，擇便民者悉舉之。數月，邑大治。尋署博羅。調繁歸善，又大治。大計天下清官第一，擬授御史。選人有所求，弗應。遂轉山東膠州。州瀕海，多盜，驕橫難治。公恩威互濟，人皆悅服。州紳贈繭紬一疋，公辭之。不得遂。懸公帑，終無所用。其廉儉類如此。陸永平同知督芻遼左，時治膠方五月，聞命題詩於壁，有云：『城司牧心徒，齋重鎮。畫芻力豈支，膠人感德繪像於。』
一員之右，令祀列三賢。

忠皆宦膠西者也。公單車就道，行李蕭然。明年辛酉，甫奉命印烙，而北兵壓境矣。左右以公無守，去。公曰：『吾聞守社稷者死，社稷守封疆者死。封疆吾理芻馬，即吾之封疆社稷也。讀聖賢書，所學何事？不以此時成仁取義乎？吾之死，此決矣。』三月十二日，城破，逼公降。公不屈，從容正色望闕再拜，拔左右佩刀自刎死。贈按察司僉事，諡忠烈。建祠揚州西門，與大理卿高公邦佐同祀。額曰：『雙忠同時死者，武臣尤世功。』陳策、童仲傑、張名世、吳之傑、周敦吉、戚金、鄧起龍。

秦邦屏餉臣段辰及邦屏姊上官秦氏並得贈卹云
公子夢乙有異才放情詩酒崇禎初仕彰德通判清
操苦節一如父風三子虞齋堅虞隱居以詩名
論曰公無守土責可以不死設令潛身遠害何往不
得而引封疆社稷之義寧玉碎毋瓦全也至性幽忠
炳日星矣公嘗有云讀聖賢書所學何事然則其從
容就義所由來者豈一日乎彼今之譚說理學拈弄
文章者號曰讀書視公言何如耶

劉侍郎傳

附滿桂

公諱之綸字元誠蜀宜賓人也家世務農少卽質行
古風讀書暇同父兄力田如故弱冠補諸生方負新
入市觀姓名已復鬻其薪歸尤喜學理家言大書其
坐隅曰必爲聖人里中因呼爲劉聖人天啟辛酉舉
鄉試會奢酋叛公慷慨談兵事喜方畧崇禎戊辰成
進士改授庶常與同官金公聲究切時務多客死士
申前輩以備國家緩急己巳冬北兵入口都城皇皇
聲先上疏得召見薦公并及申甫上立召對稱旨

授南京營副總兵改金公御史監其軍而授公協理
戎政兵部右侍郎督守城事時遵化已破直薄都城
公請出城自效無兵則請京營兵不得則請關外川
兵又不得則議召募顧衣裝芻糧馬匹器械百無一
具公權宜貸資之適安化門外總兵滿桂敗死甫夜
襲營又戰沒公誓師行會出城北兵引去時天大晦
風沙獵獵直抵通州過三河至薊知兵衆在永平公
約總兵馬世龍吳自勉自薊赴永平牽之無動而自
率兵八路進攻遵化既由石門至白草頂距遵化八

里而營娘娘山迺世龍等不受節制負公約北兵
三萬騎自永平來公嚴陣以待先發一砲殺將騎再
發一砲砲反裂營中自焚兵遂上山一裨校請公結
陣徐退可邀后功公按劍曰無多言吾受國不世恩
誓滅此而朝食顧所請無一應今日事不成卽死今
日耳命鼓人嚴鼓再戰自午至酉上皆力戰軍中矢
石竭人持短刀夾公馬而前詎矢集如雨公度不可
爲乃大呼曰死死負皇上解所佩印授家丁間道
歸送巡撫忽一矢貫其首又一矢中膝遂仆而絕諸

將○從○公○者○齊○呼○哭○震○天○拔○營○野○戰○死○之○事○聞○天○子○
震○悼○下○部○議○卹○賜○祭○葬○廕○一○子○謚○典○未○及○僅○如○原○官○
云○
論○曰○劉○侍○郎○之○爲○人○也○余○聞○之○文○文○肅○公○云○文○肅○以○
已○已○人○都○侍○郎○與○同○官○見○之○文○肅○卽○推○許○侍○郎○與○金○
子○駿○及○子○駿○好○談○世○務○公○曰○能○爲○鄧○文○潔○者○不○必○爲○
王○文○成○兼○之○則○兩○敗○子○駿○可○與○言○性○命○之○學○耳○會○北○
兵○薄○城○下○二○人○俱○受○天○子○知○遇○身○歷○戎○伍○侍○郎○猶○得○
高○爵○文○肅○令○人○勸○其○辭○侍○郎○而○易○科○術○視○師○不○從○旣○
死○事○事○上○議○卹○將○贈○尚○書○文○肅○格○之○曰○劉○侍○郎○以○書○
生○受○特○恩○今○日○死○綏○正○其○職○侍○郎○官○非○不○尊○
家○惜○名○器○以○此○不○得○全○卹○更○十○六○年○而○子○駿○亦○死○三○
人○者○真○死○友○哉○

劉學博傳

公諱廷訓字式伯順天通州人也少與弟廷諫博文
矯行自相師友廷諫登進士爲吏部公以歲貢謁選
得河間之吳橋訓戊寅十月北兵入畿南吳橋令謀
棄城走公要止之率衆以守凡三月初以偏師來輒
引去已而盡銳力攻令縋城遁去公入學舍麾其妾
趣去我將止死屬其稚孫名增者於所善僧隆貴介
而趨南城誓守者曰守死逃亦死曷若守死爲滿城
忠義鬼乎守者哭曰願爲公死守三日夜城三隅擾

亂獨城南晏然北兵肉薄而登如墻引射矢注衣甲
血朱殷穴胸而出濡縷屬於屨公猶強自力束胸拒
戰連中六矢乃仆踰月其子發棺更殮面如生鬚髯
奕奕奮舉喪之歸也諸生及閭左數百家道哭遇車
兒童傭保皆剪紙買漿以奠公與人交無貴賤賢愚
少長處之油油然好談人善盱衡抵掌噓涕噴溢願
頰否則瞪目顧視一言錯誤面目皆起歸自刻責者
累日蓋樂易樸誠謹畏人也其臨大節個儻自如如
此公死昔年六十有五
論曰公之節烈矣丙寅己卯諸死事者久不被國家
之愍綸或以是爲公惜夫公守師儒無民社寄致命
遂志自辦一死而已向令回翔身後糜爛七尺以博
半通之綸所謂左手據圖右手刎其頸者也而謂公
爲之乎忠義之氣結爲日星經天行地光彩不散公
之月重豈在夫區區者哉

州傳

附妾

公諱藩錫，字晉伯，號雲中，南直金壇人也。當初生時，其父和臺公夢馭鶴入界，一孩曰：是子超超藩輔之苗。西山其頽，東山其高，和臺异之，因命名藩錫。年十六七，嘗讀巡遠傳，輒往復尋繹，流涕終日，不能已。因勵志曰：表貞松於歲寒，鬱芳蘭於烈火，雖曲鈎鈎之直，兵兵之吾決不回心而易面也。亦當如此矣。至戊午以後，遼事潰壞，督師入關，守令草伏，輒怒髮而起。日事敗城破，猶不能斷脰，決腹以答君父，而猶衝衝。

求活此其人。豈曰人耶。辛酉登賢書。歷甲戌始成進士。夜夢踣一腳。負牆而立。或曰。一腳者一甲也。君其得一甲乎。公曰。不然。今方內訌。外闕。天下皆亂。諸通籍之士。辟彼舟流。夫士值艱危。嚼齒空齧。握拳透爪。固吾輩事焉。能虧損廉恥。以保頑軀。神其告我矣。初任龍岩知縣。山賊畏之。不敢入界。俸及期。以失權紳意。左調浙江。嵎縣值年大荒。存活者衆。陟南京兵部主事。一年出知兗州府。大司馬重公才。特疏請留。不得將赴。兗道經里門。盡訣諸戚。里曰。兗與豫賊接壤。

蹂躪無已。時兼連年大祲。列肆賣人肉。守禦之具。百不一備。使吾到郡。一年修備。二年修和。若是者。猶可以守。不然。滄海橫潰。豈吾一手所能堰之。吾生平最賤。夫爪蒂歎鼻。艾黃炙額。死婦子。手中者。夫今乃得死所矣。遂於數日內。敕庀家事。少子少女。皆聘耦之。但携一稚子。一妾以行。及抵郡。已聞北兵入關。亟繕器械。編丁壯。纔四十餘日。數萬騎已集城下矣。公乃請於魯王曰。臣有郡。王有國。皆同舟也。吾聞城之不守。皆繇城內貴家。自惜金錢。自愛安樂。而令寡人備

子○登○陴○擊○柝○遂○多○敗○事○夫○城○郭○者○我○之○命○也○財○賄○者○
人○之○命○也○我○不○能○畀○彼○以○命○而○望○彼○畀○我○以○命○乎○大○
王○若○能○出○蓄○積○以○買○死○士○充○犒○賞○城○猶○可○存○命○猶○可○
保○不○然○大○事○一○去○玉○石○皆○燼○悔○無○及○矣○王○不○然○之○公○
乃○自○括○其○衣○裘○寒○具○及○妾○環○珥○典○數○十○金○買○牛○酒○勞○
介○士○令○夜○縋○城○下○發○大○砲○擊○殺○近○千○人○北○兵○遂○併○力○
攻○南○門○摠○兵○某○內○應○城○遂○破○公○猶○巷○戰○不○勝○北○帥○縛○
之○且○加○刃○其○頸○曰○汝○大○悍○能○殺○吾○數○百○人○若○從○我○吾○
宥○之○不○然○者○醢○汝○矣○公○大○罵○不○屈○北○帥○怒○脅○令○拜○公○
故○翹○其○足○乃○先○斷○其○一○足○支○解○而○灼○之○其○妾○聞○變○携○
一○子○自○投○於○井○益○度○脚○負○牆○之○夢○於○是○驗○云○事○聞○贈○
公○太○僕○寺○卿○

論曰○公○南○少○司○馬○時○子○方○在○金○陵○稔○知○公○為○慈○祥○
愷○悌○洵○古○君○子○人○也○及○其○遇○變○慷慨○激○烈○賢○者○固○不○
可○測○如○此○是○時○魯○藩○遇○難○所○云○是○子○超○超○藩○輔○之○苗○
或○者○數○已○先○定○與○然○自○公○死○而○向○曲○尖○靈○充○山○增○色○
則○西○山○其○頽○東○山○其○高○公○之○靈○爽○其○長○憑○於○嶧○岱○矣○

高巡撫傳

附汪喬年等

公諱名衡字平仲號鷺磯沂州人崇禎辛未進士授
如臯知縣調興化考選爲雲南道御史巡按河南崇
禎辛巳闖賊破雒陽下汝邲乘勝趨汴自二月十二
日至十八日并力疾攻者七晝夜時公方巡汴乘城
死守窮百道禦之賊乃退城幾陷者數矣上嘉其能
命爲僉都御史巡撫河南是冬賊復圍大梁公固守
經年九月汴沉於河公渡河而北賊解去得請告歸
里癸未北兵攻陷沂州公夫婦抗誓不屈死之虞山

錢公謙益弔之有三良詩三良者汪公喬年段公增輝暨公而三皆虞山門人也汪公喬年號歲星遂安人壬戌進士官提督三邊僉都御史辛巳賊圍鄜城公提兵赴援遇于襄城奮勇力戰身中數矢為賊所殺二萬餘衆盡被屠戮段公增輝字含素商丘人以賢良辟召不就辛巳賊至公率鄉人捍禦賊再攻乃克公被執不屈死而鄉官原任簡討馬公剛中字九如甲戌進士為賊支解工部郎中沈公試字君明官生遇賊大罵脅降不從賊以亂棍擊死其當賊至睢

州鄉宦通政使李公夢宸號玄駒戊辰進士自縊死賊皆赴宅羅拜咸嘆為有德仁人賊至南陽總兵猛公如虎奮勇出戰殲賊數千既城破猶持短刀巷戰至唐府門望北拜口稱負恩被賊殺死南陽知府丘公懋素罵賊不屈闔室見殺參將劉士傑遊擊郭開守備猛先捷俱戰死而監軍兵部主事余公爵字天有潁川人辛未進士率兵援汴力戰被執罵賊不屈與侄敦華同死論曰祖宗養士垂三百年或稱經濟或號循良或膺

民社之司。或負干城之寄。一旦遇敵。俱爲屠戮。烈烈以死。弔古者能無餘慕焉。

孫太僕傳

附父誦等

公諱士美。號澹如。南直青浦人也。幼奇穎。絕倫讀書。目十行下。爲文章灑灑數千言。自成機杼。尤留心忠義事。每屈指古人。至唐張中丞。宋李侍郎等。嘆美不置。公父誦亦復以此等時時勗公。曰。凡爲烈士當如是矣。天啓辛酉。鄉薦累上公車。輒報罷。公憤然曰。烈丈夫寧以一第榮哉。苟獲膺半秩。報君親。差不負平日自命。古人意足矣。當世士大夫。豈乏取高第登要津。而碌碌以終。不自表見。等于尋常無聞之人者哉。

卒以孝廉謁選乘鐸舒城自論文課士外絕無竿牘私舒固彈丸邑然江淮孔道亦南北一要衝也甲戌正月賊渡河而南大江以北輒聲震焉一時任事諸公俱以遷轉去會公方計偕旋舒以師儒當保障屹如也久之賊焚正陽去舒二百餘里未幾圍六安去舒僅百里又未幾賊且薄城下時邑令謁淮在道士民洶洶城無固志公肩矢石督戰守自聞變以至賊退凡七十餘日夫廬屬八邑肥六俱有高城深溝屯糧衛卒獨舒斗大孤城懸處四冲之地兵餉兩絕然卒以獲全不至爲廬巢續者伊誰力也丙子以前績擢知深州深故瘠土無糧禦資鄉勇數百皆市人不習戰公至力爲經營多所備戊寅九月邊報急備益嚴十一月滹沱冰合忽三萬騎薄城而營公率死士段容嗣等夜襲之斬其帥時十有三日也十四日未攻益急十五日卯昇雲車數十緣城東南攀堞直上公又督將士格殺無算勢少却天禍深民忽用矢以火射城樓烈焰煙騰守者迷眩不知所爲因乘勢力攻城遂陷公猶奮戈迎敵知事已去無益將走辭其

父○訥○已○念○吾○已○身○許○君○復○何○說○吾○義○不○反○顧○矣○北○向○
拜○自○刎○城○之○蕪○萑○亭○先○二○日○題○詩○亭○中○見○志○誓○必○死○
也○時○公○父○訥○在○署○年○七○十○餘○聞○公○殉○節○嘆○曰○吾○曩○者○
以○忠○孝○勉○若○子○忠○孝○無○二○致○死○忠○是○卽○死○孝○吾○卽○未○
拜○官○然○以○子○貴○諱○亦○臣○也○不○死○何○以○謝○君○并○何○以○謝○
吾○子○頃○之○亦○遇○害○一○家○死○者○十○有○五○人○事○聞○贈○公○太○
僕○少○節○

論○曰○兵○興○以○來○死○事○者○多○有○然○俱○一○試○而○碎○耳○公○守○
舒○守○深○皆○以○孤○城○當○大○敵○然○始○能○以○首○藉○儒○冠○抗○百○
萬○虎○狼○而○繼○乃○專○城○縮○綬○卒○殉○封○疆○則○天○將○以○全○節○
付○公○而○非○公○才○有○不○逮○也○至○於○臣○殉○職○父○殉○子○則○闔○
門○忠○孝○雖○方○中○丞○侍郎○猶○爲○過○之○矣○

宋御史傳

附周之訓

公諱學朱字用晦號旭初南直長洲人也世有隱德父琦尤以篤行聞于鄉公生而孝友方正不知有童子嬉總角卽讀書博覽入姚文毅公室極相器重弱冠應諸生試輒冠軍聲價轟起弟子亦日益進設絳帷談說經義尊嚴若扶風其爲文抽精劈理動中髓髀每一執出經生望爲斗杓庚午舉鄉薦辛未成進士初授南工部主事會有鑄錢差差之事吏爲政弊若搏沙公洗滌之絜然而清每于出入之際愜愜然

日○把○絲○易○緜○處○脂○易○膩○也○所○著○有○司○鑄○政○畧○上○下○便○
之○旋○丁○外○艱○歸○家○無○姬○侍○出○不○備○騶○從○唯○日○以○奉○母○
課○子○睦○族○贍○戚○爲○事○丙○子○服○闋○補○北○禮○部○戊○寅○特○改○
御○史○巡○按○山○東○公○慨○然○有○豺○狼○當○道○安○問○狐○狸○之○嘆○
遂○抗○疏○首○彈○楊○嗣○昌○田○唯○嘉○唐○世○濟○史○堇○袁○鯨○等○詞○
嚴○義○正○幾○于○痛○哭○流○涕○八○月○奉○璽○書○出○都○寄○書○與○家○
人○別○有○云○奸○黨○盈○朝○海○岱○多○故○此○行○願○盡○瘁○報○國○功○
名○性○命○並○付○度○外○且○諄○諄○以○奉○事○老○母○爲○言○他○無○所○
益○蓋○公○嶽○嶽○臺○班○野○王○行○能○叔○迪○慷慨○兼○有○其○概○此○

時○真○有○不○愛○其○躬○爲○國○馳○驅○吞○口○之○志○朝○食○不○暇○者○
矣○叱○馭○而○東○丰○采○特○嚴○督○率○長○吏○攝○息○奉○法○力○以○澄○
清○爲○任○十○一○月○巡○歷○章○丘○會○報○北○兵○入○省○時○公○無○兵○
馬○守○土○之○責○又○無○綜○覈○將○令○之○敕○獨○慮○藩○封○重○地○守○
備○單○弱○遂○星○夜○冒○圍○馳○入○濟○南○公○未○至○北○兵○已○過○德○
州○而○省○城○標○兵○三○千○先○隨○巡○撫○遠○駐○北○直○城○中○止○留○
老○弱○鄉○兵○五○百○名○及○萊○兵○七○百○名○無○異○張○空○拳○冒○白○
刃○也○公○至○親○率○司○道○登○城○捍○禦○移○檄○各○州○縣○堅○壁○死○
守○立○功○票○鼓○勵○將○士○大○施○火○攻○時○以○奇○兵○出○擊○重○圍○

稍解城中糧絕。公晨赴王府三日。疾呼求賑。聲泪迸咽。得免脫巾之呼。相守凡六旬。不解帶。不交睫。頭髮盡白。先後上設備求援七疏。愷切詳盡。時嗣昌爲樞輔。留中不報。督監高起潛擁精騎。翱翔隣境。不發一援。北兵全股數十萬。盡薄城。城外西北隅。憑水爲濠。險固易守。獨東南一望平沃。公與兵使周公之訓親守南門。身犯矢石。北兵不得上。每醜酒城頭。夜分握手語。欬歔達旦。己卯正月初二早。忽報攻西北城甚急。北兵雲梯擁上。公卽率卒躍馬循城頭。而西衝鋒。

救援刃中于面。被執去。公不屈。乃懸城樓之竿。殺之。須臾縱火焚樓。公尸遂燼之。訓亦死之。公死後撫按請卹。嗣昌唧怨不許。弘光初贈公大理寺卿。子三長。德宸。次德宜。又次德宏。德宜中乙未進士官。編修德宏。中辛卯舉人。兄弟俱英才。絕學爲海內。聲氣所歸。論曰。先生殉節于己卯。而獲卹在甲申。遲遲七年。猶坐論武陵一疏。然則觸奸指佞之禍。亦甚熾。好事者以不得公屍爲口實。善乎鄭公玄嶽之。

諸臣

日餘親刺僕收拾遺骸獨巡方孤子一

身別

不必待委用各官從容檢視其不致形移

物變骨化精消者希矣故人皆以不復辨認為先生

疑不知正當以不復辨認為先生痛也先生平日

手札功名性命俱付度外然則先生難苟免矣

哉嗚呼是可以釋群疑矣



